

Denis Mešaljić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Denis Mešaljić
Naziv Teme	Položaj romske populacije kao marginalne skupine na području grada Tuzle
Rezime/Abstract	<p>Zbog političke, medijske i svake druge preokupiranosti preovladavajućim identitarnim i tranzicijskim problemima, koje do određene mjere sami sebi, ali i drugim manjinama, uglavnom proizvode većinske „državotvorne“ nacije, u dominantnim studijama i istraživanjima u Bosni i Hercegovini, Romima se ne posvećuje dovoljno društvenog prostora. Problem ovog istraživanja predstavlja marginalizacija Roma u bosanskohercegovačkom društvu. Romi su najbrojnija nacionalna manjina u Bosni i Hercegovini, a najmanje ih se školuje, najmanje radi i najsiromašniji su. Romi ne postoje u Ustavu Bosne i Hercegovine. Zajedno sa svim drugim manjinama svrstani su u kategoriju "ostali". Postoje različiti izvori o broju Roma u Bosni i Hercegovini, ali je razlika između njih ponekad drastična. Prema zvaničnim statističkim podacima, sa popisa stanovništva u Bosni i Hercegovini je 1991. godine živjelo blizu 9.000 pripadnika romske manjine, a prema podacima romskih udruženja u Bosni i Hercegovini sada ih je blizu 80.000, a prema nekim podacima čak i 100 000. Statistički podaci govore da skoro 99 % romske djece ne pohađa obdaništa, a njih 90% su korisnici socijalne pomoći. Pored neobrazovanosti i ne postojanja zdravstvene zaštite, Romi su izloženi i različitim oblicima diskriminacije, što marginalizira njihov položaj u bosanskohercegovačkom društvu. Uzimajući sve navedeno u obzir, nameće se pitanje kakav je položaj romske populacije u Gradu Tuzla, koji faktori determinišu taj položaj, te šta lokalne vlasti i zajednica poduzimaju u svrhu sprječavanja marginalizacije ove najmnogoljudnije manjinske zajednice u Bosni i Hercegovini i Gradu Tuzla. Polazeći od značaja problema istraživanja, osnovni cilj istraživanja je bio identificirati i analizirati ključne faktore koji su prouzročili marginalizaciju Roma u bosanskohercegovačkom društvu uopšte, s posebnim fokusom na faktore koji utiču na položaj ove manjske skupine u Gradu Tuzla. Posebna istraživačka pažnja je posvećena analizi nivoa obrazovanosti, uključenosti u zdravstveni sistem, neuslovnog stanovanja, nezaposlenosti romske populacije, te identificiranju odnosa lokalne zajednice prema ovoj populaciji, kao i sagledavanju strategija, politika i mjera koje Grad Tuzla poduzima u svrhu poboljšanja položaja romske populacije. Na temelju rezultata empirijskog istraživanja može se zaključiti da postoji jako razvijena svijest o postojanju političke i pravne diskriminacije Roma, oni ne participiraju u vlasti na lokalnom nivou u zadovoljavajućoj mjeri. Rezultati istraživanja pokazuju da: 1) marginalizirani položaj Roma u Bosni i Hercegovini u najvećoj mjeri uvjetovan je političkom i pravnom diskriminacijom u odnosu na pripadnike daytonski definiranih i denotiranih „konstitutivnih“ naroda u ovoj državi; 2) da romska populacija ima najlošiji društveno-ekonomski položaj u Gradu Tuzla; 3) marginalizirani položaj Roma u Gradu Tuzla u najvećoj mjeri je, uvjetovan niskim nivoom njihovog obrazovanja; 4) Romi su izloženi različitim oblicima diskriminacije, što pogoršava njihov društveno-ekonomski položaj u Gradu Tuzla; 5) vladin i nevladin sektor poduzima adekvatne strategije, politike i mjere u funkciji poboljšanja društveno-ekonomskog položaja Roma u Gradu Tuzla. Uzimajući u obzir rezultate teorijskog i empirijskog istraživanja, koji su prezentirani i analizirani u ovom završnom magistarskom radu, može se zaključiti da je, u skladu sa ciljevima istraživanja postavljena, generalna hipoteza koja glasi: „Predpostavlja se da bi primjena odgovarajućih strategija, politika i mjera vladinog i nevladinog sektora mogla rezultirati poboljšanjem marginaliziranog položaja Roma u Gradu Tuzla, a koji se očituje u visokoj stopi neobrazovanosti, nezaposlenosti, socijalne isključenosti, izostanku zdravstvene zaštite, te pravnoj i političkoj diskriminiranosti“, dokazana.</p>
Datum	30.01.2018
Predsjednik	dr. sc. Salih Fočo, redovni profesor izabran za užu naučnu oblast „Sociologija“ na Filozofskom fakultetu Univerziteta u Sarajevu
Mentor	dr. sc. Zlatan Delić, vanredni profesor izabran za užu naučnu oblast „Sociologija“ na Filozofskom fakultetu Univerziteta u Tuzli
Član komisije	dr. sc. Hariz Šarić, redovni profesor izabran za užu naučnu oblast „Socijalni rad i socijalna politika“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	dr. sc. Adib Đozić, redovni izabran za užu naučnu oblast „Sociologija“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obaviti će se 30.01.2018. godine u 12:00 sati na Filozofskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.